

勅脩陝西通志

第五十一卷

名宦二

節鎮下

陝西通志第五十一卷

名宦二節鎮下



王景萊州掖人晉天福初授耀州團練使臨政不尚刻削民有訟必面詰之不至大過即諭而釋去周廣順中鎮鳳翔世宗即位加兼守書令先是秦鳳陷蜀州旁蕃漢戶詣闕請收復世宗命景與向拱率兵出大散關進討連陷砦柵遂命景為西面行營都部署大破蜀軍建隆二年來朝太祖復以為鳳翔節度西面緣邊都部署四年卒追封岐王謚元靖宋史本傳

折德宸世居雲中父從阮鎮府州署德宸馬步軍都校廣順間世宗建府州為永安軍以德宸為節度使時從阮鎮邠寧父子俱領節鎮時人榮之顯德中德宸率師攻下河市鎮入朝以其弟德愿權

陝西通志

卷五十一 名宦二

一

總州事世宗以其素得蕃情厚加賜賚而遣之乾德元年敗太原軍於城下擒其將楊璘二年卒贈侍中子御勳御卿德宸卒御勳權知府州事開寶二年以為永安軍留後九年改秦寧軍節度御卿知府州淳化三年凡四遷為府州觀察使五年拜永安軍節度使契丹入寇大敗之于子河汭其大將韓德威僅以身免歲餘御卿被病韓德威謀知之率眾來侵御卿力疾出戰德威聞其至不敢進會疾甚其母密遣人召歸御卿曰世受國恩邊寇未滅御卿罪也今臨敵棄士卒自便不可死於軍中乃其分也為白太夫人無念我忠孝豈能兩全言訖泣下翊日卒上聞悼惜久之贈侍中以其子惟正為洛苑使知州事宋史本傳。按府州改設軍府在分宋史與五代史不同兩存之以

傳疑可也

張美字元珪清河人拜定國軍節度縣官市木關中同州歲出得

數十萬以假民長吏十取其一謂之率分錢歲至數百萬美不  
取未幾他郡有詣闕訴長吏受率分錢者皆命償之宋史本傳

趙贊字元輔幽州薊人宋初鎮延州受密旨許便宜行事將及州境

乃前後分置步騎綿綿不絕林莽之際遠見旌旗所部羗渾來迎

無不懾服開寶四年改鎮鄜州卒贊御衆有方畧吏民畏服宋史本傳

王顯字德明開封人淳化三年知永興軍徙延州時夏臺寇擾顯上

疏謂宜謹屯戍固城壘積芻糧然後遴選才勇付以邊任則禦備

有素時制沿邊糧斛不許過河西河西青鹽不得過界販鬻犯者

不以多少處斬顯請犯多者依法自餘別為科斷以差其罪宋史本傳

○按宋史地理志京兆府本永興軍節度知軍舊領永興軍路安撫使延安府本彰武軍節度知軍舊領鄜延路經畧安撫使故並

入節鎮

張齊賢曹州冤句人字師亮知永興軍時閤門祇候趙贊以言事得

陝西通志 卷五十一 名宦二

幸提點關中芻糧所為多豪橫齊賢論列其罪卒抵於法宋史本傳

田重進幽州人淳化五年知延州重進以武勇知名而在鎮專務以

仁厚及人不令擾百姓舊志

張詠濮州鄆城人鎮永興有父老訴牛舌為人所割詠詰之爾於鄰

件誰氏最隙訴者曰有甲氏嘗貸粟於某家不遂構怨之深詠遽

遣去戒云至家徑解其牛貸之父老如教翌日有百姓訴殺牛者

詠謂之曰爾割某氏牛舌以償貸粟之怨而反致訟耶其人遂伏

罪 春明退 朝錄

陳若拙字敏之幽州盧龍人知永興軍府時鄰郡歲飢前政拒其市

糴若拙至則許貿易民賴以濟又移知鳳翔府宋史陳思讓傳

孫全照字繼明莫州清苑人為鄜延路都巡檢使淳化五年率兵與李繼

隆克綏州因與張崇貴等同戍守之俄護屯兵於夏州兼知州

遷延州監軍兼阿都關盧關路都巡檢事咸平五年將城綏州以爲綏州路鈐轄既調兵夫二萬餘全照言其非便乃罷景德三年爲邠寧環慶都部署趙德明納款朝議減西鄙戍兵令屯近地因徙全照知永興軍府宋史孫行友傳孫僅字鄰幾蔡州汝陽人咸平元年進士同知審官院永興孫全照求代真宗思擇循良宰相言僅嘗倅京府諳民政乃命知永興軍府僅純厚長者爲政頗寬祥符元年加比部員外郎代還孫何傳

馬知節字子元

幽州薊人

咸平時徙知延州兼鄜延駐泊部署邊寇將至

方上元節遽命張燈啟關累夕晏樂寇不測即引去

宋史馬全義傳

向敏中字常之開封人太平興國五年進士明辯有畧遇事敏速凡二邊道路斥堠走集之所莫不周知咸平四年知永興軍景德初命爲鄜延路緣邊安撫使俄還京兆真宗幸澶淵賜敏中密詔盡

陝西通志

卷五十一

名宦二

三

付西鄙許便宜從事敏中視政如常日會大讎有告禁卒欲倚讎爲亂者敏中密使麾兵被甲伏廡下明日盡召賓僚兵官置酒命讎入至堦伏出盡擒之果各懷短刃即席斬焉邊蕃遂安時舊相出鎮不以軍事爲意帝聞之曰大臣出臨四方惟敏中盡心於民事二年又以敏中爲鄜延路都部署兼知延州委以經畧宋史本傳

李迪字復古其先趙郡人徙家濮深厚有器局舉進士第一唘廝羅叛帝憂關中召對長春殿進集賢院學士知永興軍城中多無賴

子弟喜犯法迪奏取其甚者部送闕下徙陝西都轉運使

宋史本傳

王嗣宗字希阮汾州人大中祥符間知邠州兼邠寧環慶路都部署城東靈應公廟傍有山穴羣狐處焉妖巫挾之爲人禍福民甚信向水旱疾疫悉禱之民語爲之諱狐音前此長吏皆先謁廟然後視事嗣宗毀其廟燹其穴得數十狐盡殺之淫祀遂息

宋史本傳

川起字萬鄉涇州鄒平人知永興軍有風烈數賜書褒諭

宋史本傳

陳堯咨字嘉謨

閬中人

知永興軍長安地斥鹵無甘泉堯咨疏龍首渠

注城中利之

宋史本傳

李諮字仲詢新喻人知永興軍衣冠子弟恃蔭無賴者諮悉杖之境

內肅然

宋史本傳

李若谷字子淵徐州豐人以右諫議大夫知延州州有東西兩城夾河秋夏水溢岸輒圯役費不可勝紀若谷乃制石版爲岸押以巨木後雖暴水不復壞官倉依山而貯穀少若谷使作露囤囤可貯二萬斛他郡多取法焉若谷治民多智慮愷悌愛人其去多見思

宋史本傳

若谷知延州夏人遣使來前守多延之堂上若谷獨廡下飲

食之

隆平集

高良夫判延州撫恤軍民時稱能吏仁宗降敕褒之

賈志

陝西通志

卷五十一

名宦二

四

杜衍字世昌越州山陰人擢進士甲科知乾州陳堯咨安撫陝西以

衍賢徙權知鳳翔府及罷歸二州民邀留境上曰何奪我賢太守也遷知永興軍民有晝亡其婦者爲設方畧立捕得殺人賊發所瘞屍并得賊殺他人婦屍二秦人大驚寶元二年復知永興軍時方用兵民苦調發吏因緣爲姦衍區處計畫量道里遠近寬其期會使民得次第輸官比他州費省錢過半

宋史本傳

鄭戩字天休蘇州吳縣人舉進士知永興軍建言凡行軍所須願下

有司相緩急析爲二等非急罷去先是衙吏輸木京師浮渭泛河多漂沒既至則斥不中程往往破家不能償戩奏歲減二十餘萬

宋史本傳

又奏罷括糴以勸民積粟長安故都多豪惡戩治之尚嚴人皆惕息未幾爲陝西四路都總管兼經畧安撫招討使

雅字伯純河南人中進士第歷陝西都轉運使改知永興軍歲飢

疫流為厭恤元昊反拜振武軍節度使知延州因言延州最當衝地闊而砦柵疎近者百里遠者二百里土兵寡弱又無宿將為用請益師不報元昊引兵數萬至城下雍堅守城得不陷遷知永興軍兼轉運司事初完永興城或言其非便詔止其役雍匿詔而趣成之明年賊犯定川邠岐之間皆恐而永興獨不憂

宋史本傳

龐籍字醇之單州武城人及進士第元昊反為陝西體量安撫使除陝西都轉運使文彥博鞠黃德和獄未上詔籍同案籍言德和退怯當誅劉平力戰而沒宜加恤其子孫進龍圖閣直學士知延州俄兼鄜延都總管經畧安撫緣邊招討使明年改延州觀察使力辭換左諫議大夫自元昊陷金明承平塞門安遠栲栳砦破五龍川邊民焚掠殆盡籍至稍葺治之戍兵十萬無壁壘皆散處城中畏籍莫敢犯法金明西北有渾州川土沃衍川尾曰橋子谷寇出

陝西通志

卷五十一

名宦二

五

入之隘道使部將狄青將萬餘人築招安砦於谷旁數募民耕種收粟以贍軍悉復所亡地築十一城及開亂名平戎道通永和烏仁關更東西陣法為方陣頗損益兵械元昊既臣召為樞密副使籍曉律令長於吏事治民頗有惠愛

宋史本傳

籍在延州軍行出塞使因糧於敵馬芻皆自刈之還畀其直民無飛輓之勞及去民遮道而泣曰公用兵數年未嘗以一事煩民雖以一子為香祝之猶不足報也

宋名臣言行錄

韓琦字稚圭相州安陽人舉進士第二趙元昊反琦論西師形勢甚悉即命為陝西安撫使進樞密直學士副夏竦為經畧安撫招討使琦畫攻守二策入奏仁宗欲用攻策執政者難之琦言元昊雖傾國入寇不過四五萬人吾逐路屯兵自守勢分力弱遇敵輒不支若併出一道鼓行而前乘賊驕情破之必矣乃詔鄜延涇原

出征既還營元昊來求盟琦曰無約而和者謀也命諸將戒嚴敵果犯山外琦悉兵付大將任福令自懷遠城趣德勝砦出敵後如未可戰即據險置伏要其歸及行戒之至再又移檄申約苟違節度雖有功亦斬福竟為敵誘沒於好水川竦使人收散兵得琦檄於福衣帶間言罪不在琦琦亦上章自劾獨奪官知秦州慶曆二年為陝西四路經畧安撫招討使屯涇州琦與仲淹在兵間久名重一時人心歸之朝廷倚以為重故天下稱為韓范東兵從宿衛來不習勞苦琦奏增土兵以代戍建德順軍以蔽蕭關鳴沙之道方謀取橫山規河南而元昊稱臣召為樞密副使元昊邀索無厭琦陳其不便條所宜先行者七事又陳揅弊八事帝悉嘉納遂宣撫陝西討平羣盜張海郭邈山禁卒羸老者汰之盡修廊延城障須敵悉歸所侵地乃許和歸陳西北四策以為當今以和好為權

陝西通志

卷五十一

名宦二

六

宜戰守為實務

宋史本傳

公駐延安忽有人夜攜匕首至卧門遽褰幃

帳公起坐問曰誰何曰來殺諫議又問曰誰遣汝來曰張相公遣某來蓋是時張元夏國正用事也公復就枕曰汝携予首去其人曰某不忍願得金帶足矣遂取帶而去明日亦不治此事俄有守陴卒報城櫓上得金帶者納之時范純祐亦在延安謂公曰不治此事為得體蓋行之則沮國威今乃受其帶是墮賊計中矣公歎

曰非琦所及

塵史

范仲淹字希文蘇州吳縣人舉進士第元昊反知永興軍改陝西都轉運使會夏竦為陝西經畧安撫招討使進仲淹龍圖閣直學士以副之延州諸砦多失守仲淹自請行遷戶部郎中兼知延州先是詔分邊兵總管領萬人鈐轄領五千人都監領三千人寇至禦之則官卑者先出仲淹曰將不擇人以官為先後取敗之道也於

是大閭州兵得萬八千人分爲六各將三千人分部教之量賊與寡使更出禦賊時塞門承平諸若旣廢用种世衡策城青澗以據賊衝大興營田且聽民得互市以通有無又以民遠輸勞苦請建廊城爲軍以河中同華戶稅租就輸之春夏徙兵就食省糴十之三年明詔諸路入討仲淹曰正月塞外大寒我師暴露不如俟春深入賊馬瘦人飢勢易制也廊延密邇靈夏西羗必由之地第按兵觀釁臣稍以恩信招來之若不効當舉兵先取綏宥據要害屯兵營田爲持久計則茶山橫山之民必挈族來歸矣帝皆用其議仲淹又請修承平永平等若稍招還流亡定堡障通斥堠城十二若於是羌漢之民相踵歸業元昊答書不遜仲淹對來使焚之降知耀州進參知政事會邊陲有警與富弼請行邊於是仲淹爲河東陝西宣撫使麟州新懼大寇言者多請棄之仲淹爲修故砦

招還流亡三千餘戶蠲其稅罷權酷予民又奏免府州商稅河外

遂安仲淹爲政尚忠厚所至有恩邠州民皆畫像生祠事之

宋史本傳

仲淹領延安閱兵選將日夕訓練又請戒諸路養兵蓄銳毋得輕

動夏人聞之相戒曰無以延州爲意今小范老子腹中自有數萬

甲兵不比大范老子可欺也

名臣傳

仲淹帥邠延威德著聞夷夏聳

服熟戶蕃部率稱爲龍圖老子至元昊亦以此稱之

燕談

張亢字公壽宋人天禧三年甲科寶元初元昊反關內大震充廊延

路鈐轄兼知廊州未幾改充本路都鈐轄駐延州慶曆元年秋賊

入破麟府間諸堡寨圍府州事聞命亢爲并代都鈐轄專管勾廊

府軍馬公事亢馳至府城城中不敢啟關亢入即大啟諸所塞門

縱民出入視禁旅尚數千人皆無鬪志乃募執役下軍之敢戰者

得數百人使擊賊至暮爭持賊首以獻亢躬自搗糞取錦袍以表

之連數日皆獲賊如前賞於是禁旅悉慚奮擊賊大破之軍始復振乃修復賊所破諸堡寨有寧遠寨者據麟府之中最號險要賊出兵爭之亢命虎翼軍執萬勝軍旗幟爲陣以挑賊賊素知萬勝軍罷軟果犯之虎翼軍萬弩齊發短兵繼前又遣驍將出賊後夾攻之賊奔潰自此不敢復出不踰月而五寨立二州始通復奏曰今五寨所通麟府往來之一徑耳若更增并邊諸柵以相維衛則河外安矣議未下契丹渝盟河朔大警朝廷使爲瀛帥居數月夏人與契丹有隙大戰黃河外范文正公被詔宣撫特還亢并代路副都總管兼沿邊安撫事范公至河外親按形勢利害乃奏用亢前議仍以亢總其事詔可之凡建寨十四於是蕃漢歸者數千戶歲減戍兵萬人省轉輸萬萬計久之徙官卒上思其勞優贈以官麟府蕃漢民皆繪像祀之

安陽集

薛儀判鄜州張亢惠州城大而處

勢卑難以待敵欲遷就伏龜山計功數十萬時虜乘勝深入州無役兵欲以戰士築之衆咸以爲難儀獨以爲可亢喜曰薛君謂之可事無不成矣役始興而亢病失音儀外備寇敵內董役事人不

知張亢之病也城成民至今賴之

溫公集

程琳字天球博野人知永興軍判延州爲陝西安撫使元昊死諒祚立方幼三大將分治其國議者謂可因此時以節度使啖三將使各有所部分以弱其勢琳曰幸人之喪非所以柔遠人不如因而撫之旣而遣使冊命夏人方圍慶陽琳曰此可緩慶陽之難矣具禮弊賜予之數移報之果喜即日迎冊使慶陽圍亦解夏人以五百戶驅牛羊扣邊請降言契丹兵至衙頭國中亂願自歸琳曰彼詐也拒不受已而賊果以騎三萬臨境上以捕降者爲辭琳謀知之閉壁倒旗戒諸將勿戰賊疑有備遂引去

宋史本傳

夏安期字清鄉

棘子江州德安人

元昊納款罷兵命往陝議邊費奏省吏員

汰兵五萬人擢陝西都轉運使徙知延州州東北阻山無城郭虜

嘗乘之安期至即大築城時方暑躬自督役不踰月而就元昊請

畫疆界朝廷遣使以問安期安期對曰此不足煩王人衙校可辦

也議遂決

宋史夏竦傳

文彥博字寬夫汾州介休人及進士第

宋史本傳

至和中知永興軍起居

舍人毋混鄜人也上言乞廢陝西鐵錢朝廷雖不從其鄉人多知

之爭以鐵錢買物賣者不肯受長安爲之閉肆寮屬請禁之彥博

曰如此是愈使惑擾也乃召絲絹行人出其家縑數百匹使賣之

日納其直盡以鐵錢於是衆知鐵錢不廢市肆復安

馮志

曹穎叔字秀之亳州譙人初名熙進士及第提點陝西路刑獄知鳳

翔府累遷陝西都轉運使自慶曆鑄大錢行陝西民盜鑄不已三

陝西通志

卷五十一

名宦二

九

司上權鐵之議穎叔曰鐵錢輕而貨重不可久行况官自權鐵乎

請罷鑄諸郡鐵錢以三鐵錢當銅錢之一從之進知永興軍卒於

官

宋史本傳

程戡字勝之許州陽翟人寶元初擢陝西都轉運使進拜鄜延路經

畧安撫使判延州州夾河爲城雉堞頗卑小敵上九州臺則下瞰

城中戡調兵夫大增築之

宋史本傳

戡在延州橫山酋豪請以兵乘塞

而自以其屬取靈夏歸中國戡奏言諒祚數悖慢而多殺戮人人

離心今其酋豪如此可許之時大臣重事不從戡久在帥閫號習

邊事

隆平集

陳堯佐字希元閬州閬中人進士及第以試秘書省校書郎知朝邑

縣會其兄堯叟使陝西發中人方保吉罪保吉怨之誣堯佐以事

降本縣主簿徙下邳累遷知永興軍徙同州復徙永興軍初太

造宦者起浮屠京兆城中前守姜遵盡毀古碑碣克塼甃用堯  
奏曰唐賢人墓石今十七七八矣子孫深刻大書欲傳之千載

一旦與瓦礫等誠可惜也其未毀者願勅州縣完護之

宋史本傳

葉清臣字道卿蘇州長洲人知永興軍浚三白渠溉田踰六千頃

宋史

傳本

劉敞字原父臨江新喻人知永興軍大姓范偉為奸利冒同姓戶籍

五十年持府縣短長數犯法敞窮治其事偉伏罪長安中謹喜

宋史

傳本

薛奎字宿藝絳州正平人舉進士第一為陝西轉運使趙德明言延

州蕃落侵其地黑林平下詔按驗奎閱郡籍德明嘗假道黑林平

移文錄示之德明遂伏改戶部郎中知延州趙元昊每遣使至京

師請奉子吏因市禁物隱關算為姦利奎廉得狀請留蜀道縑帛

陝西通志 卷五十一 名宦二

十

於關中轉致給之

宋史本傳

郭達字仲通其先自邢徙洛治平二年出領陝西宣撫使神宗即位

徙鎮鄜延种諤受冤名山降取綏州夏人遂殺楊定朝論以邊釁

方起欲棄綏達曰虜既殺王官而又棄綏不守見弱已甚且名山

舉族來歸當何以處既而夏人欲以塞門安遠二砦來易朝廷許

之達曰此正商於六百里之策也非先交二砦不可與乃寢其請

夏人又求以亡命景詢易名山達曰詢庸人也何所輕重受之則

名山不得不還自是蕃酋無復敢向化矣達詢得殺楊定者姓名

謀告將斬之於境以謝罪達曰是且梟死囚以給我報曰必執李

崇貴韓道喜來夏人言殺之矣達命以二人狀貌物色詰問虜情

得乃執獻之神宗嘗訪八陣遺法達為帝論其詳在延安時使以

教兵久不就達擇諸校習金鼓屯營者六十四人使人教一隊

刻而成尤善用備裨每至所部令人自言所能暇日閱按之故臨陣者皆盡其技

宋史本傳

沈括字存中錢塘人以龍圖閣待制出知延州至鎮悉以別賜錢爲酒令廛市良家子馳射角勝有軼羣之能者白起酌酒以勞之邊人歡激越歲得徹札超乘者千餘皆補中軍義從威聲雄他府朝廷出宿衛師來戍賞賚至再不及鎮兵括以爲衛兵雖重而無歲不戰者鎮兵也不均且召亂乃藏敕書而矯制賜緡錢數萬以驛聞詔報之曰此右府頒行之失非卿察事機必擾軍政自是事不暇請者皆得專之种諤師次五原糧餉不繼殿直劉歸仁率衆南奔居民怖駭括出東郊問曰副都管遣汝歸取糧主者爲何人曰在後即諭令各歸屯未旬日潰卒盡還括出按兵歸仁至括曰汝歸取糧何以不持軍符歸仁不能對斬以徇

宋史本傳

陝西通志

卷五十一

名宦二

士

孫永字曼叔趙人擢進士第神宗即位擢天章閣待制安撫陝西民景詢外叛詔捕送其孥勿以赦原永言陛下新御極曠澤流行惡逆者猶得虧除今緣坐者弗宥非所以示信也歷陝西都轉運使時邊用不足以解鹽市馬別爲一司外臺不得與永奏曰鹽馬國之大計使主者專其柄既無統隸苟爲非法孰從而制之加龍圖

直學士

宋史本傳

司馬光字君實夏縣人寶元初中進士甲科神宗初以端明殿學士知永興軍宣撫使下令分義勇戍邊選諸軍驍勇士募市井惡少年爲奇兵調民造乾糲悉修城池樓櫓關輔騷然光極言公私困敝不可舉事京兆一路皆內郡繕治非急宣撫之令皆未敢從若乏軍興臣當任其責於是一路獨得免

宋史本傳

趙高字公才邛州依政人第進士郭達宣撫陝西辟掌機宜文字中

諤擅納綏州降人數萬朝廷以其生事誅諤反故地歸降人以解仇釋兵又徙達帥鄜延高移書執政請存綏州以張兵勢先規度大理河川建堡寨畫稼穡之地三十里以處降者若棄綏不守則無以安新附之衆朝廷從之活降人數萬熙寧初夏人誘殺知保安軍楊定等既而請和朝廷欲因使納塞門安遠二砦而還綏州高言綏實形勢之地宜存綏以觀其變計之得也神宗然之遷提點陝西刑獄韓絳宣撫陝西河東兵西討高言大兵過山界皆砂磧乏水草又無險隘可以控扼今若乘兵威招誘山界人戶當先經畫山界控扼之地然後招降不爾勞師遠攻未見其利絳納種諤之策遂城囉兀以高權宣撫判官加知延州夏自失綏意未能已高揣知其情奏言夏使請和必欲畫綏界願聽本路經畧司分畫明年遂用高策以綏爲綏德城初鄜延地皆荒瘠占田者不

陝西通志

卷五十一

名宦二

十一

出租賦倚爲蕃蔽寶元用兵後凋耗殆盡其曠土爲諸酋所有高因聽自募丁家使占田克兵諸酋感服歸募悉補亡籍又檢括境內公私閒田得七千五百餘頃募騎兵萬七千高以異時蕃兵提空簿漫不可考因議涅其手屬歲飢高分蕃兵願刺手者貸常平穀一斛於是人人願刺因訓練以時精銳過於正兵神宗聞而嘉之復帥延安元祐初梁乙埋數擾邊高知夏將入侵檄西路將劉安李儀以輕兵襲洪州夏遂入貢既而以重兵壓境諸將亟請益戍兵爲備高徐諭之曰第謹斥堠無爲寇先因遣人詰夏夏兵遂

去

宋史本傳

呂公綽神宗時知永興軍待僚屬謙恭遇吏民仁厚

雍大記

種諤字子正延帥陸詵薦知青澗城夏將嵬名山部落在故綏州其弟夷山先降諤使人因夷山以誘之賂以金盃名山小吏李文

受而許降名山未知也諤悉起所部兵長驅而前圍其帳名山  
援槍欲鬪夷山呼曰兄已約降何爲如是文喜因出所受金盃示  
之名山投槍哭遂舉衆從諤而南得酋領三百戶萬五千兵萬人  
遂城綏州韓絳宣撫陝西用爲鄜延鈐轄徙鄜延副總管上言夏  
主秉常爲其母所囚可急擣其巢穴帝以爲經畧安撫副使諸將  
悉聽節制諤率本路并畿內七將兵攻米脂未下夏兵八萬來援  
諤禦之無定川伏兵發斷其首尾大破之降守將令介訛遇捷聞  
帝大喜遣中使諭獎後知延州卒諤善馭士卒臨敵出奇敵畏其  
敢戰故數有功

宋史种世衡傳

曾公亮字明仲泉州晉江人舉進士甲科熙寧三年拜司空明年判  
永興軍先是慶卒叛旣伏誅而餘黨越佚自陝以西皆警備閱義  
勇益邊兵移內地租賦人情騷然公亮一鎮以靜次第奏罷之專

陝西通志

卷五十一

名宦二

三

務裁抑冗費長安豪喜造飛語聲言營卒怨減削謀以上元夜結  
外兵爲亂邦人大恐或勸毋出游公亮不爲動張燈縱觀與賓佐  
竟夕乃歸居一歲還京師

宋史本傳

吳中復字仲庶興國永興人進士及第歷永興軍河北行青苗法使  
者至將先下州縣中復檄之曰歛散自有期今先事擾之何也拒  
不聽且以報安撫司韓琦疏諫青苗錄其語以上關內大旱民多  
流亡中復請加賑卹執政惡之遣使往視謂爲不實削一階提舉

玉隆觀

宋史本傳

王舉元正定人進士知永興軍夏人屯境上長安從事來會兵涇原  
戒勿輕舉大將賈舜卿銳意請行不聽舉元曰不過三日敵去矣  
至期果去神宗以細劄諮攻守策舉元請省官減戍益備去兵少  
營亭障輿論不合遂引疾求解徙陳州未行而卒

畿輔志

范純粹字德孺元豐中為陝西轉運判官時五路出師伐西夏

高遵裕以劉昌祚後期欲按誅之昌祚憂患臥病其麾下皆憤焉

純粹恐兩軍不協致生他變勸遵裕往問昌祚疾其難遂解神宗

責諸將無功謀欲再舉純粹奏關陝事力單竭公私大困若復加

騷動根本可憂異時言者必職臣是咎臣寧受盡言之罪於今日

神宗納之宋史范仲淹傳純粹守延安嘗大閱百姓入教場觀者皆禁俄

而騎出兩翼圍之命觀者皆列坐五人結一保已而有十許人皆

無保呼使前問故叩頭曰夏國之人也復問曰爾國使爾來覘我

乎曰然因令坐帳前而後閱試技藝迨暮而畢復呼問之曰吾之

兵不亦精乎曰然曰歸語爾主吾在此有以相待欲為寇者幸早

來飲食而遣之世言文公三子各得其父一體蓋長子忠宣得其

德量中子右丞純禮彛叟得其文學德孺得其將畧也邊人至今

陝西通志

卷五十一 名宦二

古

畏服焉却掃編

賈逵藁城人隸拱聖為卒遷秦鳳路鈐轄徙并代路專主管麟府軍

馬熟戶散處邊關苦於寇畧逵差度遠近聚為二十七堡次第相

望自是害息畫鐵為的激種豪使射皆成勁兵一夕烽火屢發左

右白當起逵卧不應旦而謂人曰此必妄也脫有警可夜出乎徐

問之果邊人燭遺物也復徙秦鳳遷馬軍副都指揮使總鄜延兵

延州舊有夾河兩城始元昊入寇據險城幾不能守逵相伏龍山

九州臺之間可容窺覘請於其地築堡障與城相望延人以為便

宋史本傳

李清臣字邦直魏人中皇祐五年進士第元祐初知永興軍兼永興

軍路安撫使治尚夷易不務奇聲近效而民亦不敢犯雍人為之

立祠雞肋集

金即字中道吳越王諸孫第進士辟鄜延幕府崇寧中爲陝西轉運判官王師復銀州轉餉最徽宗召對願救邊臣先爲不可勝以待釁瀚海地皆烏鹵得之無所用帝然之除知延安府童貫宣撫陝西時長安百物踴貴錢幣益輕貫欲力平之計司承望風旨取市價率減什四違者重置於法民至罷市又行均糴法賤入民粟而高金帛估以償下至募兵射士之有田者咸被抑配關內騷然即屢抗章極陳其害貶永州團練副使然糴害亦寢宋史錢惟演傳

節夫字子禮鄱陽人第進士崇寧初遷陝西轉運副使徙知延安府招降羗有功築石堡等四城石堡以天澗爲隍可趨者惟一路夏人窖粟其間以千數既爲宋有其酋驚曰漢家取我金窟塌亟發鐵騎來爭節夫分部將士遮禦之斬獲統軍以下數十百人擢顯謨閣待制龍圖閣直學士方議城銀州謀告夏人已東節夫料

陝西通志 卷五十一 名宦二

必西趨涇原遣裨將耿端彥疾驅至銀州五日城成夏人果從涇原至則城備已固遂遁去進樞密直學士歷知永興軍卒宋史本傳賈炎字長卿真定獲鹿人政和中知永興初陝西行鐵錢幣益輕蔡京設法盡斂之更鑄夾錫錢幣稍重京去相轉運使李諲陳敦復見所斂已多遽請罷鑄鐵錢既復行其輕如初自關以西皆罷市民不聊生炎獨一切弛禁聽從其便宋史賈昌朝傳

劉法鄜延帥有材畧時論名將必以法爲首後沒於兵士大夫惜之馬志

孔平仲臨江新喻人字義甫登進士第徽宗立提舉陝西路刑獄帥鄜延宋史本傳徽宗時自陝西轉運使徙知延安府以經術飾吏事待

羗人以威信甚有治狀舊志

字某任眉州彭山人大觀三年進士知同州金人已而

及同重慶不能守乃縱州人使出自以殘兵數百守城以示必死  
金人疑有備不復渡河詔擢天章閣待制高宗即位以天章閣直  
學士知京兆府尋兼京兆府路經畧制置使重前在同州凡三上  
疏大元帥府乞早臨關中以符衆望暨至永興又六上疏皆以車  
駕幸關中爲請并條奏關中防河事宜大意謂虢陝殘破解州河  
中已陷同華州沿河邊面亘六百餘里本路無可戰之兵乞增五  
路兵馬十萬以上委漕臣儲侍以守關中章凡七八上復上疏乞  
選宗親賢明者充京兆牧或置元帥府令總管秦蜀十道以便宜  
從事帥守監司並聽節制則不惟可以衛敵亦可救郡縣瓦解之  
失不報金將婁宿渡河陷韓城縣時京兆餘兵皆爲經置使錢蓋  
調赴行在金兵圍城城中兵不滿千固守踰旬外援不至城陷重  
以親兵百人血戰諸將扶重去重曰死吾職也戰不已衆潰重中

陝西通志

卷五十一 名宦二

流矢死贈資政殿學士諡恭愍

宋史楊宗閔代州崞縣人契丹亡

將小鞠鞞招合雜羗十餘萬破豐州攻麟府諸城宗閔領本道兵

馬屢摧敗之俘其父母妻子

宋史楊震傳

爲永興路總管與唐重同守

永興金人陷城迎戰死之

宋史楊存中傳

張浚字德遠漢州綿竹人中進士第高宗除浚知樞密院事謂中興

當自關陝始慮金人或先入陝取蜀則東南不可保遂慷慨請行

詔以浚爲川陝宣撫處置使得便宜黜陟抵興元金人已取廊延

驍將婁宿孛革引大兵渡渭攻永興諸將莫肯相援浚至即出行

關陝訪問風俗罷斥姦賊搜攬豪傑諸將惕息聽命時兀朮在淮

西浚懼其復擾東南謀牽制之遂決策治兵合五路之師以復永

興金人大恐急調兀朮等由京西入援大戰於富平涇原帥劉錡

身率將士薄敵陣殺獲頗衆會環慶帥趙哲擅離所部望塵爲